

四庫全書

史部

欽定四庫全書

史部

山西通志卷三十六

詳校官監察御史_臣查善長

檢討_臣德生覆勘

總校官進士_臣朱鈐

校對官助教_臣蔡鎮

謄錄監生_臣朱鎮

欽定四庫全書

山西通志卷三十六

學校

大同府儒學在城東南隅舊在府治東即遼金西京國子監元大同縣學也明洪武八年改爲府學二十九
年改府學爲代王府以雲中驛改爲府學即今學也
弘熙元年叅政沈固武安侯鄭亨叅將曹儉鼎增建
楊榮記曰永樂癸卯扈駕大同周覽殿堂圯壞弗堪

因諷鎮守諸公維新之又三年乃建大成殿暨兩廡
櫺星門并堂舍齋室無不備具宣德間巡撫沈固又
增建正統間巡撫羅亨信知府霍瑄繼修嘉靖十二
年兵燬十八年巡撫史道督學郭時叙重新史道自
記隆慶間知府程鳴伊萬厯間知府黃嘉善修
國朝順治十二年總督馬之先重修

崇聖祠

名宦祠在戟門左

鄉賢祠在戟門右

雲中書院在府治東明御史陳文燧建雲中陬塞載籍希鮮文燧捐贖鍰擇晉陽藩府善本悉購置書院生徒肄業者便之自爲記

務學書院在府城內西南明弘治八年朱仕玳務學以御賜書籍構書院貯之請額扁曰務學書院

大同縣儒學舊與府學一區縣學居前府學居後嘉靖十二年兵燬十四年知府王允修重建中爲聖廟左

府右縣兩學並峙史道記萬歷三年巡道馮子履改
卜城內西北隅殿廡堂齋以次具舉嗣後知縣解經
邦建太乙閣於明倫堂後三十四年知縣孫體元闢
巽門起魁樓通泮水規模始備李杜記

國朝康熙五十六年啟聖祠災吳宗豐重建

崇聖祠

文昌祠

魁星樓明知縣陳不伐建自爲記

名宦祠

鄉賢祠

義學舊有五所順治十五年復於開化寺前建義學一所後廢今設於雲中書院內

懷仁縣儒學在城西北隅舊在城東門外明洪武十三年知縣許彥餘徙今地正統間知縣趙瑀縣丞馬勝重修夏瑜記成化間知縣鄭經經繼修正德乙亥知縣張繹重新孫紹先記隆慶間知縣韓應元萬厯間知

縣楊守介署縣事陶幼學繼修

國朝順治初知縣劉三章康熙間知縣薛侯鄧正蒙再修

崇聖祠在正殿西

名宦祠在戟門東

鄉賢祠在戟門東

社學在東關

廢

山陰縣儒學在縣治西宋時建明洪武八年知縣蔣文

煥正統九年知縣慕寧繼修嘉靖二年巡按許宗魯
檄知縣余寅增葺萬厯十年知縣王居仁重修十七
年邑人王家屏捐金建號舍二十四楹

崇聖祠在文廟東

名宦祠在廟門右

鄉賢祠在廟門左

學田明崇禎二年巡按葉置地二頃

應州儒學在州治西南舊在城西北隅遼清寧間建明

洪武八年知州陳立誠徙今地天順間叅政楊濬知
州張綸王彪增葺弘治三年知州薛敬之重建明倫
堂東西齋舍閣鉦記萬厯四年知州徐濂重修

國朝順治十一年知州張文德康熙四十年知州于廷
弼繼修

崇聖祠在文廟東北

文昌閣在文廟東

名宦祠在戟門外東

鄉賢祠在戟門外西

射圃在泮南

學田計一十三頃五十畝在州治西南四十里之大北頭村明崇禎七年閩人林贊僑居茲土捐置學宮龍首書院遼翰林學士邢抱朴建即今儒學基址

渾源州儒學在州治西金季僅存殿宇元初州守田治修皇慶間同知劉世忠增建泰定三年知州趙墀曰此雷劉文風極盛之地也大加繕修韓國理記曰棖

闌之門更改朱雀凌霄之樣鯨吞猊走龍戲鳳翔碧
瓦瑠璃厝諸閣闌塗墁椒壁宛若棲霞明洪武永樂
間知州鄭允先李信正統間州判張福繼修成化六
年知州關宗撤其舊而鼎新之萬安記弘治四年知
州董錫改建戟門兩廡三齋東西號舍規制胥完畢
孝記萬厯間知州康朴劉復禮趙之韓原孚岱先後
增修

國朝順治六年知府郎永清增葺

崇聖祠在殿東

文昌閣

魁星樓舊胥在儒學大門內萬厯四十六年知州張述齡改建於南門外恒岳行宮之右

名宦祠在崇聖祠左

鄉賢祠在崇聖祠右

學田六十畝

社學舊七所今存馬王廟一所

翠屏書院在城南七里翠屏山金狀元劉摶右丞蘓
保衡講學處

鳳山書院在城西北七里鳳凰山下明郡人司務孫
聰建石溪書院在州治北七里正德六年巡撫都御
史石玠建集諸生講學其中

靈丘縣儒學在縣治東金正祐中建元至正間修明永
樂九年知縣李安重修洪熙元年更建成化天順間
知縣韓英閔芳增葺萬歷十二年知縣趙袖撤殿廡

而新之闢地學前列高壁以障民居趙德明記

國朝順治十七年知縣宋起鳳重修康熙十七年知縣

岳宏譽重修

崇聖祠在明倫堂東

名宦祠

鄉賢祠

社圃在縣治西

廣靈縣儒學舊在縣治西明洪武間縣丞趙自立建後

徙縣治西北即今地成化間知縣曾錯重修弘治五
年知縣程觀重新張天瑞記

國朝順治十四年知縣石篤生教諭郭光儀重修康熙
間知縣焦恒馨增飾魏象樞贊

崇聖祠在正殿後

名宦祠在戟門東

鄉賢祠在戟門西

射圃

廢

學田二頃六十畝內熟地一頃九十八畝

義學在南關

廣昌縣儒學在縣治東南元時建明洪武十六年縣丞
宋林重建天順四年修嘉靖二十年知縣張九功重
修隆慶六年知縣成遜繕治又建尊經閣萬厯七年
知縣張若愚繼成之郝杰記崇禎四年知縣劉世治
重修

國朝康熙二十二年知縣杜登春修魏象樞記

崇聖祠

文昌閣在學宮東

名宦祠

鄉賢祠

學田二頃九十九畝零崇禎二年巡按葉復置田一頃七十畝昏額徵學租

義學在縣治西康熙甲午知縣郭鉉建復置田一頃四十二畝

縹緲樓在縣東一里嘉靖間指揮孫獻策建後總兵馬林增構館閣亭軒聚古今圖史俾志學者肄講焉陽高縣儒學舊在高山衛之東偏明成化十八年巡撫李敏叅將周璽倡建劉吉記萬厯三十一年總督楊時寧改建於東門之陽張悌記

國朝順治間總督佟養重重修八年知府胡文華增新劉宏譽記康熙二十六年通判葉九思重修雍正三年改縣後復設

文昌閣在文廟東

名宦祠

義學在縣治東四鄉胥設

天鎮縣儒學在縣治東明成化二十三年巡撫李敏創
建正德十五年巡按杜民表重修萬曆三十八年叅
將于翔儀教授楊天寵修

國朝康熙八年知府林本源通判李珪教授閻若琛重
修五十五年守備劉以灝葺治雍正三年改縣後復

設

崇聖祠在正殿東北隅

文昌閣在崇聖祠後

大魁閣在學東

名宦祠在戟門外左

鄉賢祠在戟門外右

義學四所

朔平府儒學在威遠城東門內大街即威遠衛學明嘉

靖五年建

學田十一頃五畝有奇學庄二一在滴水崖一在袁家村

右玉縣儒學在鼓樓東街即右玉林衛學成化十五年
初建于鼓樓西街萬厯二十三年徙建今所

國朝康熙六十年衛守備王松齡教授張淑修重修
崇聖祠在文廟後東

魁星樓在戟門外東南隅

名宦祠在戟門外左

鄉賢祠在戟門外右

朔州儒學在舊州治西北洪武十年知州邾約建正統
十年廟學胥圯成化十三年知州呂文重修嘉靖間
知州畢鸞萬厯二十五年守道盛世承二十七年知
州屈煒先後增建三十六年知州許爾忠通判郭如
松重新闢雲路建宮牆霍鵬陳朝相胥有記明末兵
燬

國朝順治十五年知州侯樹屏葺治

崇聖祠在文廟西北

魁星樓在儒學大門內

名宦祠在戟門外東

鄉賢祠在戟門外西

社學明初州里八所衛五所後設立四所尋復廢

國朝順治間知州侯樹屏立於東街知州辛良器復設

於文昌祠右置膳田三十畝

馬邑縣儒學在縣治西元至元間重建明洪武二十四年知縣李德重修正統二年知縣張峻成化八年知縣安和增葺弘治辛酉冀北道陳寬檄縣令拓新之王從鼎記廟學中隔民居萬厯十年知縣趙承芳以贖鍰易其地聯廟學爲一區二十二年知縣王日新葺繕

國朝康熙十七年知縣阮振益四十一年知縣秦擴重修

崇聖祠在正殿後

文昌祠在文廟西

名宦祠在戟門外東

鄉賢祠在戟門外西

學田三頃四十七畝零

義學四所地胥一頃康熙間知縣秦擴招墾

櫓臺精舍在城內西北隅

左雲縣儒學在鼓樓西街即左雲川衛學明成化十五

年巡撫王越初建于東坡後徙建南城萬厯間復徙
建今址

崇聖祠在文廟東偏

文昌祠在文廟前

魁星樓在學門東

名宦祠在大成門左

鄉賢祠在大成門右

學田三頃二畝零

平魯縣儒學在縣治東即平魯衛學明嘉靖五年初建
于東門內道北三十七年徙建今址崇禎十三年衛
守備申昂教授許可賢重修

國朝雍正二年衛守備白煥樞教授張懷琦重修

崇聖祠在明倫堂東

名宦祠在大成門左

鄉賢祠在大成門右

寧武府儒學新設奉文議建

寧武縣儒學在縣治東七百戶街明嘉靖乙酉守備譚
鉉申巡撫江潮題建崇禎十年寧武道張毓泰重修
偏關縣儒學在縣治東北明弘治二年巡撫左鈺題請
創建兵備道王璿董其成規模弘敞甲於鄰邑十七
年兵備楊綸正德十二年守備雍彬嘉靖八年總兵
李瑾十年總兵祝雄萬厯間兵備道趙彥李從心繼
修

國朝順治六年兵備道樓希昊康熙間糧廳王維秀康

正吉何錫祿訓導暢殿元先後增葺

崇聖祠在文廟東

文昌廟在文廟左

名宦祠在戟門外東

鄉賢祠在戟門外西

學田兵備道陳昌祚募墾

老營堡先師廟明萬曆六年建

國朝雍正二年裁所設縣老營隸偏關廟祀如故

社學在叅府街

義學二所一在叅府轅門內一在道衙西

神池縣儒學舊附寧武所學

國朝雍正三年改設縣治始立縣廟學以訓導一員董率之

社學在西街

五寨縣儒學在縣治中大街

國朝雍正九年知縣張國正建規制完整

文昌樓在櫺星門東

魁星樓在櫺星門西

澤州府儒學在府治東南宋至和乙未知州吳中始徙
今地金貞祐丙子知州高少中重修元燬於兵州牧
段直增葺李俊民記曰我侯敦諭舉子就兩府試預
選者百二十有二人朝廷命加精進以聽擢用時議
許之大德丙午州牧殷直重修尋復燬明洪武己酉
知州李祥重建己未知州王堅繼修正德庚辰知州

馬汝驥拓制鼎新之張鵬記萬厯間知州朱舜民韓容蕭籍繼修

國朝順治間知州孫玉承傳繼說康熙間知州管于宣繼修

崇聖祠在正殿東

文昌祠在櫺星門東

名宦祠在戟門東

鄉賢祠在戟門西

射圃在尊經閣東

學田元長官段直置計十一頃九十餘畝李俊民記
暨明止存廟東南地三十六畝七分張三畏記隆慶
間知州顧顯仁置學田四十八畝四分孟霽記鄉官
石延壽捐地三十畝生員司璧捐地十畝五分生員
王進義捐地五畝五分范之齊記

天井關宣聖廟肇於唐駕部至元九年知州皇甫琰
踵成之召民傍居創旅店以供廟祀嗣令王佑繪像

用房課權子母歲取息九十緡充祀事至順二年饑
行本之家亡廟宇圯壞晉城尹裴從善徵存戶得中
統鈔一百五十緡命王璧等主之明永樂七年星軺
大使羅榮重修萬厯間生員任敦化捐地四十畝
國朝康熙間清出三十二畝生員孔興銑主之春秋仲
月上丁日遣訓導往奠

社學宋程子令晉城於城北建社學一區親爲民子
弟明句讀後廢

體仁書院在府治北明萬厯間知州王所用建捐田二十四畝崇禎間巡鹽御史楊鶚檄捐田三十三畝崇祀周二程張朱二呂七賢

國朝康熙間知州倫可大拓修陳廷敬記

鳳臺縣儒學新設奉文議建

高平縣儒學在縣治東南宋元祐三年知縣張持記曰唐吳道子畫孔子爲魯司寇時像二本乘車而羣弟子從者謂之圖立而顏淵侍者謂之小影司門郎中

王伯瑜傳小影于仙源孔氏蓋孔子四十七代孫襲
封衍聖公之所藏也傳于棣州摹石于學中元至正
八年縣令劉好德重建明正德九年知縣襲進賢民
地拓而新之李遜學記嘉靖二十七年知縣傅思明
重修有記三十年知縣王省身三十五年知縣劉應
召四十二年知縣洪聲遠崇禎五年署縣事焦浴繼
修十三年知縣滕仁政重修楊暄記

國朝順治八年知縣劉廣國重修李棠馥記十一年知

縣范繩祖康熙間知縣劉璟白良玉繼葺

崇聖祠在文廟東北

文昌閣在文廟東南

名宦祠在戟門東

鄉賢祠在戟門西

射圃在學西南隅

學田一頃一十二畝零嘉靖四十三年知縣張鹵置

米山宣聖廟元延祐間知縣郭質建宋翼記曰翼教

授懷孟北歸始記勾要館召爲應奉翰林文字又記
釜山館繼爲修撰又記河西館竊喜五鄉人士可與
爲善延祐七年宰澄城郭質興復米山等五十九里
之文館米山人牛用記

社學宋晉城令明道先生建立七十所元大定中縣
令郭質修舉之元季兵燬明弘治八年知縣楊子器
恢復在縣者四在村者三十六歲久寢廢萬厯三十
六年知縣楊應復振舉焉

晉城書院明弘治初知縣楊子器毀新廟爲之名正
蒙社學後圯嘉靖間縣丞孫應奎葺而新之題曰晉
城書院姜潤身記

陽城縣儒學在城東南明洪武四年知縣李芾重建宋
訥記曰陽城廟學枕城東南學基狹隘李侯相舊學
西有廢地以道喻民築基督工規模大過前代嘉靖
間知縣鄒頤賢增修萬厯間知縣張應詔重新王國
光記

國朝順治十五年署縣事澤州同知戴天德倡修十六
年知縣陳國珍落其成白孕謙記康熙八年知縣都
甫增修二十年明倫堂圯邑人田六善修二十七年
冬正殿災知縣項龍章重建田六善記

崇聖祠在明倫堂東北隅

文昌祠即舊青雲館

名宦祠在戟門東

鄉賢祠在戟門西

社學在縣治東

陵川縣儒學舊在城東南隅金天會間縣令魏致隆主簿趙大允遷城外東南元大德間知縣安某增修明洪武初縣丞宋崇善重修路泰記天順三年知縣任通展修薛瑄記成化嘉靖間知縣李許趙孟乾繼修四十四年知縣孫紹先以其湫隘逼水撤東關神祠更置之嗣令尹宗孝續成顧顯仁記天啟三年知縣楊如桂復遷城內

國朝順治間知縣黃國燦教諭鞏璿圖重修錢受祺記
康熙十四年知縣孫必振復遷城外東南舊址而拓
其制自爲記

崇聖祠在文廟東

文昌祠在崇聖祠後

奎光樓在廟東南

名宦祠在崇聖祠前

鄉賢祠在名宦祠前

射圃在學宮左

義學知縣黃國燦置學田

書院在西廡後康熙十四年建

沁水縣儒學在城西門外金正隆二年縣令李搏建元至正間知縣常允修元末兵燬明洪武三年縣丞陳德重建永樂三年知縣章聰正統四年知縣姚璉景泰三年知縣張昇繼修弘治五年知縣王輔九年知縣楊範次第增修楊一清記嘉靖間知縣王進賢萬

厯間知縣董之表重修

崇聖祠在文廟東

名宦祠在明倫堂東

鄉賢祠在明倫堂西

射圃在學東南

學田三所元至正間知縣陳榮祖置後廢

社學在北街址存

鳳原書院在西關後廢

蒲州府儒學新設奉文議建

永濟縣儒學舊在古城內元初遷州治東南廟屋數間
以備奠菜至元丙子郡侯史氏拓建段成已記明洪
武間同知趙樞重建宣德七年知州劉儀修正統十
二年知州張廉廣大成殿東西廡號舍堂齋悉如制
薛瑄記天順四年知州徐孚成化五年知州張本濟
弘治八年知州許鵬繼修嘉靖三十三年知州陳應
和復修三十四年冬地震圯三十六年分守叅議王

之誥知州邊像更建四十二年知州張印萬厯二十六年知州鄣元柱增修三十五年分守叅政喬學詩知州張羽翔重新趙用光記崇禎十一年分守道李一鰲復修

國朝順治十六年知州馬翰如康熙二年知州侯康民三十七年守道吳自肅知州李六成繼修

崇聖祠在文廟東

文昌閣在崇聖祠南

名宦祠在戟門前東

鄉賢祠在戟門前西

祀田養田在城北復安里

社學舊置八十七所後廢

義學在城東

首陽書院在城西南隅元至元初郡人王弘善建明
初燬弘治間知州許鵬復建李東陽記中爲堂曰崇
德以施講授後爲堂曰養正以藏古今圖籍傍爲左

右廡以爲肄習之所又後爲祠堂三區中以祀二賢
左祀名宦右祀鄉賢而總名則因其舊

河中書院在州治東三里峩嵒原上舊爲東嶽祠明
正德間吏科給事中呂經出佐蒲州改祠爲書院扁
以河中仍古郡也朝邦奇記萬厯間守道陳儒知州
胡大壯修葺

國朝康熙三年總督白秉正按部至郡偕守道陳秉直
知州侯康民重新

臨晉縣儒學在縣治東元至元十一年知縣敦武校尉
許榮建至正二年知縣党若濟重修明洪武四年主
簿葉士溫訓導孟思顏加葺歲久傾頽成化十五年
知縣毛鳳來重修嘉靖二年知縣丁守中改作呂柟
記曰移退省堂于學後空地而改堂址爲明倫堂改
明倫堂址爲大成殿改殿址爲戟門舊戟門址爲櫺
星門皆增楹高閣乙卯地震圯知縣李世藩拓舊制
更建王光宇記萬厯十一年知縣趙岸十五年知縣

吳崇禮二十八年知縣高惟岡天啟六年知縣秦懷慶繼修

國朝順治十七年知縣孫宗元康熙三十八年知縣王光臯四十七年知縣徐炘增葺

崇聖祠在儒學門內東

名宦祠在泮池東

鄉賢祠在泮池西

射圃在訓導宅東

卷三十六
學田五姓湖灘奉帖文退地胥為學田勒碑明倫堂
右又地八頃四十九畝

社學廢

虞鄉縣儒學新設奉文議建

猗氏縣儒學在縣治東金成安二年建燬於兵元至元
癸酉主簿李仁擴舊基重建段成已記曰釋奠執事
者掃地為位侯噫歎良久相基之舊以步武計縱九
十五衡二十五邑人荆鑑施東偏地共得畝三十構

正室二筵廣輪十一宇廟曲廻計二十架春秋二仲
三獻各有其位麗牲登歌各有其所應門居中臯門
居外大小異制壯偉闕耀明洪武三年重修嘉靖三
十三年知縣韓應春復修三十四年地震圯知縣韓
應春繕葺韓邦奇記萬厯九年知縣賈一鶚二十年
知縣李景登闢地增飾視舊有加何東序記

國朝順治十五年諸生荆可樾修康熙九年攝縣事董
國政增新

崇聖祠在文廟東北

魁文閣在櫺星門外東南隅

名宦祠在戟門外左

鄉賢祠在戟門外右

學田

廢

社學

廢

義學三所

萬泉縣儒學在縣治東宋至和元年知縣趙瞻建金太

和三年主簿劉從謙修張邦彥記曰爲屋八十間正殿在前講堂在後堂之左右翼以兩齋又爲兩廡直接賢堂爲庫房爲尉室賢堂二室分設正殿前又于其南起四賢堂元大德四年攝縣事胡元正至治三年知縣伊魯勒齊特穆爾繼修明洪武三年增飾宣德二年知縣張惠天順八年知縣梁棟成化十九年知縣蘓旻弘治三年教諭呂富嘉靖七年知縣楊蘭二十三年知縣劉文光萬歷十四年知縣符嘉訓繼修

國朝順治十七年知縣鄭章增葺

崇聖祠在文廟東

名宦祠在櫺星門內左

鄉賢祠在櫺星門內右

滎河縣儒學在縣治東南明洪武三年縣丞馬復禮因
故址重建天順六年知縣李逢春修弘治五年知縣
高騰復修嘉靖三十五年地震圯知縣侯祁更建萬
厯間知縣王立本梅煥繕完崇禎十一年邑人李嵩

等修

國朝順治十七年知縣張錫文拓舊制重新康熙十一年知縣陳覲聖修葺

崇聖祠在文廟東北

魁星樓在文廟東南

名宦祠在泮池東

鄉賢祠在泮池西

射圃在學東

社學廢

大寧書院在后土祠東明弘治間知縣高騰建後廢
三鳳書院嘉靖間知縣侯祁建後廢

遼州儒學在州治西南元至元初知州劉義建大德七
年地震圯延祐三年張思義重修明洪武初知州尹
暹重修十一年知州蔣汝善建文廟東景泰間知
州黃鉞撤舊維新高穀記弘治十六年知州楊惠增
葺

國朝康熙十二年知州楊天錫重新

崇聖祠在櫺星門內東向

名宦祠在大成門外東

鄉賢祠在大成門外西

學田平坡澗地四頃三十六畝

國朝順治十四年知州賈廷蘭續置一十二畝

社學在城隍廟左

義學二所順治丁亥知州宋德芳置繕田四十三畝

和順縣儒學在城東北隅元至正十三年縣尹張欽祖
建明洪武四年主簿劉德修永樂間知縣王衡景泰
天順間知縣段珉王恕弘治間知縣孫鼎馬廷璽繼
葺萬厯十二年知縣李繼元拓地修建薛亨白孕謙
胥有記崇禎十二年知縣李呈藻邑人樂鶴庚增置
齋舍門房

國朝順治十六年知縣李順昌教諭白毓秀重修白如
梅記康熙八年知縣鄧憲章訓導王協慶增葺憲章

自記

崇聖祠在文廟東北

名宦祠在鄉賢祠前

鄉賢祠在崇聖祠前

學田五十四畝

社學

義學

榆社縣儒學在縣東門外元中統辛酉縣尹蘓某建至

元乙亥宣差實都已卯縣尹王天祐繼增大德癸卯
達魯噶齊布哈縣尹秦松齡更新之呼延伯起記甫
成地震圯明年縣尹樊都重修賈景巖記明洪武五
年縣丞林茂重修後知縣周至善尚弼武清何毅馬
驥王寵繼葺嘉靖九年縣丞徐元道重修萬厯三十
三年撫按檄縣拓修

國朝順治四年知縣王殿珍教諭薛應聘增葺十四年
生員張正修重新

崇聖祠在文廟東

名宦祠在泮池東

鄉賢祠在泮池西

社學在西廡後

沁州儒學在州治西興文街明洪武三年知州陳大本
建成化十三年知州張玘修沈鍾記後知州許英重
修弘治四年叅議王盛增擴基址通城西南闢門南
向萬歷十三年知州劉宗禹復修

國朝順治九年署州事陳允忠十八年知州陳憲康熙
九年知州汪宗魯二十年知州楊茂英繼修後邑人
吳璵復修

崇聖祠在正殿後

文昌祠在文廟後

名宦祠在戟門左

鄉賢祠在戟門右

射圃在二門西

沁源縣儒學舊在東關東南元大德間建明洪武八年
知縣邵善修永樂七年主簿劉鐸重修嘉靖元年知
縣馮繼祖易聖壽寺爲學宮二十年知縣賈德潤復
徙故址三十三年知縣張廷槐增修萬厯八年知縣
靳賢復修天啟六年知縣李樂教諭段達訓導郭金
城改建於北關外崇禎十五年知縣齊克諧教諭王
心一始遷於紫金山之東坡即今西城高阜處

國朝順治十五年知縣袁賦誠康熙三年生員劉濬源

胡琪四十七年知縣韓瑛先後增葺

崇聖祠在正殿後

名宦祠在戟門左

鄉賢祠在戟門右

射圃在學東

社學在縣前

義學一所在東門外下街

武鄉縣儒學舊在縣治西南明正德四年縣丞陳溥徙

建於按察分司即今縣治王崇慶記嘉靖十八年知縣白綱改修三十一年知縣趙卿請復縣治遂遷學宮於鞞山石勒寨竇一桂記萬厯間知縣黃元會張五美崇禎間知縣楊家鳳增修

國朝康熙十一年知縣吳齊漳易民地拓修二十四年知縣高鉞四十六年知縣祝兆麟繼修

崇聖祠在正殿後

文昌閣在文廟東南

名宦祠在崇聖祠左

鄉賢祠在崇聖祠右

平定州儒學舊在州治東南隅宋元豐六年建元至正
間兵燬明洪武二年知州程宗道徙置下城東北十
六年知州趙景先重修天順間知州葉昌成化間知
州陳志吳鼎繼修弘治九年知州吳賢拓而新之王
鴻儒記嘉靖間知州蔡俸馬京姚會極孫九疇續修
萬歷元年知州楊梓增修楊思忠記崇禎間知州卞

爲麟復修

國朝順治八年知州陳起潛重修康熙間知州張慎再修白輝記五十三年知州何錫祿重新

崇聖祠在明倫堂右

名宦祠在戟門外東

鄉賢祠在戟門外西

射圃在文廟東

學田四頃十三畝在廟溝村崇禎十三年知州張其

治置有記

社學四所嘉靖十五年知州馬京建後廢

義學三所

石樓書院在儒學西明學正夏廷器建以對石樓山故名

冠山書院在冠山之腹元左丞呂思誠讀書處初名冠山精舍後賜額建燕居殿設宣聖像以顏曾二子列配復建會經堂德本行源二齋學士虞集撰記中

書禮部移文宣慰司下冀寧路指揮平定州儲書萬
餘卷明叅政汪藻重修郡人孫傑更建高嶺書院于
南劉石爲洞肖夫子像祀之喬宇撰記

壽陽縣儒學在縣治西宋元祐初知縣張元淳建李穀
記曰中爲正殿次爲東西廡講授有堂絃誦有齋藏
祭器有庫賓位庖湑皆有所凡爲屋四十楹金末燬
元至元間知縣李通重建尋復廢明洪武四年知縣
吳原庸復建弘治間知縣胡宣更新之嘉靖十年主

金匱縣志 卷三十六
簿吳達拓制重修崇禎十年知縣楊思選復修

國朝康熙十八年知縣田國弼五十六年知縣李敦重修

崇聖祠在文廟東南

名宦祠在戟門外東

鄉賢祠在戟門外西

射圃在明倫堂西

社學二所

義學五所康熙間知縣吳祚昌建又置田九十六畝
孟縣儒學在縣治東南隅元至治三年州判蒲機修虞
集記曰大成有殿從祀有廡表以大成門翼以更衣
室廟後有學其中爲堂東西兩齋以居師生凡若干
楹明洪武間知縣王靄重建天順成化間叅政楊璿
知縣石英繼修

國朝順治十三年知縣張佳珩重修康熙二十三年知
縣孔興範復新之

崇聖祠在文廟東

名宦祠

鄉賢祠胥在崇聖祠前東偏

射圃

廢

學田萬厯間知縣張泰運創置共上中下地六十頃
二十畝零

樂平縣儒學在縣治東南金太和年建明洪武永樂間
知縣馮人傑李敬徐銘繼修天順二年叅政楊璿檄

知縣王文增拓重修嘉靖十五年知縣張武幾復新
之萬厯間知縣熊燦郭常續修崇禎間知縣呂維祐
復修

國朝康熙十一年知縣王祚永訓導王基昌重修

崇聖祠在文廟東北

文昌祠在儒學東明知縣王邦寵建趙士吉記

名宦祠在戟門外東

鄉賢祠在戟門外西

射圃在明倫堂西

松峯書院在三都別野元聖裔孔克威建呂思誠記
曰羅莊孔克威求記思誠爲松峯書院額又書夫子
燕居殿一楹聞詩聞禮二齋

忻州儒學在州治西北舊在治西南九龍原上後晉天
福二年建金天德大定間知州傅慎微繼修元皇慶
間知州白朝列又修明洪武三年知州鍾有諒宣德
天順間學正楊璵知州夏至明次第繕葺成化間知

州劉清重修陳璧記弘治五年知州王軒徙建今所規模弘敞視舊有加徐溥李東陽胥有記東陽記曰王侯重煩民不欲有所徵適發地得藏錢十萬曰此可以供役矣物計而工給之沛然有餘嘉靖十一年知州韓希顏增修十八年學正徐宗堯闢學門設射圃建講堂黨承志記萬厯崇禎間知州楊維嶽丁元棧重修

國朝康熙十六年知州柯弼倡修二十七年知州金玉

相五十八年署州牧蔡夢奇繼修

崇聖祠在明倫堂東北

文昌閣在舊文廟側

名宦祠在戟門左

鄉賢祠在戟門右

射圃在明倫堂東

學田四十畝零

定襄縣儒學在縣治東北舊在縣治南城外元大德十

年知縣趙德溫重建崔允記明洪武八年縣丞徐思
寧徙今所正德間知縣王卿增修嘉靖三年知縣張
榮萬歷十二年知縣白璧二十二年知縣劉士麟繼
葺四十二年知縣王立愛拓舊制重新之

國朝康熙四十六年知縣王時炯重修

崇聖祠在文廟東

文昌閣在文廟東

名宦祠在戟門左

鄉賢祠在戟門右

射圃在崇聖祠前

學田三頃一十畝有奇康熙間知縣王時炯清丈

社學在察院前西康熙間知縣趙繼普建膳田一頃

一十畝有奇

靜樂縣儒學在縣治東岑山半崖間宋大觀中始建岑

山下陂南儒林街明洪武二年縣丞譚章改建岑山

半崖之東隅嘉靖二十四年毀於燹御史陳豪知縣

楊縉復徙儒林街舊儒學之東工未竟萬厯十五年
御史陳登雲檄縣議遷督學王守誠卜基今所以寶
峰寺改建知縣劉沂董其事二十六年知縣楊登科
三十一年知縣羅以旌楊繼增飾

國朝康熙二十四年知縣張彥紳重修

崇聖祠在正殿後

文昌閣在學舍左

名宦祠在崇聖祠左

欽定四庫全書

山西通志
卷三十六

四十

鄉賢祠在崇聖祠右

射圃

廢

社學

廢

代州儒學在州治南明洪武二年建永樂間知州侯彥
實正統間知州田立天順間指揮張懷相繼繕成化
中都御史秦紘拓而新之正德五年督學陳鳳梧十
四年知州馬希龍續修嘉靖三十二年都御史趙時
春更爲建置規模始備萬曆十三年兵備張惟誠增

修

國朝順治九年鴈平道余應魁繼修

崇聖祠

文昌閣在文廟左

名宦祠

鄉賢祠

射圃明兵備張惟誠建趙範記

學田地二頃有奇明兵備張惟誠置

社學

廢

五臺縣儒學在縣治西南金正隆二年建明洪武間知縣王公懋修成化六年知縣賈綸弘治十三年知縣劉光祖先後拓修

國朝康熙十二年知縣陳恭訓導賈煒重修二十二年地震圯知縣周三進教諭姬譯倡修楊鳴鶴記

崇聖祠在正殿後

名宦祠在泮池左

鄉賢祠在泮池右

學田六十二頃三十一畝

繁峙縣儒學在縣治東元至正初建明洪武三年縣丞
劉議修成化間知縣李芳張壽嘉靖七年知縣于隆
先後增葺

國朝康熙四十七年知縣齊士琬重修

崇聖祠

名宦祠

崞縣儒學在縣治東南元大定間建明洪武三年知縣周英重建三十三年縣丞劉大淵修景泰成化間知縣武桓姜義楊慶吳祥繼繕正德間布政使劉澤行縣丞劉存復修

國朝康熙二十二年地震圯二十五年縣令呂煥重修自爲記五十八年知縣秦大問縣丞陳爾遴典史張芳建尊經閣翼經樓馮國琛記

崇聖祠

文昌閣在大成殿東

名宦祠在戟門左

鄉賢祠在戟門右

尊經閣翼經樓在文昌閣前

射圃在文昌閣後

學田一十一頃一十六畝明知縣陸壽光請墾東西

山間田張鳳池記

社學廢

義學二所一在城中一在原平

石橋書院在北門外明尚書梁璟建後廢

寧文書院在寧文墅明副使張鳳翔建王宗文記後
廢

保德州儒學舊在城東南隅宋熙寧初知保德軍高煥
建燬於兵金大定十年知州高懷正改建於州治西
自爲記明昌五年知州王嘉言構講堂泰和元年知
州張令臣大新之自爲記元大德間知州王濟至正

間知州許仲傑繼修明宣德六年任泰重建天順間
知州陸鏞萬厯間知州朱黃裳增修萬世德記萬厯
四十四年知州胡枏經始李勝之張世熙落成楊州
鶴記

國朝順治十年知州楊士烜重修康熙十二年學正張
鳳羽二十年高起鳳三十二年劉瀚先後繕葺皆有
記

崇聖祠在明倫堂右

文昌閣在東齋北學正張鳳羽建

奎星樓在尊經閣後

名宦祠在東廡下

鄉賢祠在西廡下

射圃在明倫堂西

學田明知州胡柟置

社學二所

見龍書院按察司舊址明知州胡柟建後廢

白眉精舍明知州胡栴建

河曲縣儒學在縣治東北明洪武四年知縣徐思敬即
宋元故址重建成化間知縣殷庠以其湫隘遷明倫
堂于縣治北隅弘治十三年知縣董璇改建殿宇未
竣十五年知縣李彥陞繼成之規制甲諸邑焦芳記
崇禎間燬於兵知縣錢永守重建

崇聖祠

名宦祠

鄉賢祠

射圃

廢

社學

廢

解州儒學在州治東金大定二十八年知州李愈修劉
制記元元統初知州耿允囂重修拔思溥化記明洪
武四年知州洪範十六年州判余尹瞻繼葺正統六
年知州吳惠重新薛良記成化間知州張寧改建明
倫堂號舍弘治十年知州李溥改建學門於文廟西

正德六年知州李文敏增葺韓文記十四年知州朱
璟再修呂柟記嘉靖三年知州解清遷學於廟西隙
地馬理記三十四年地震圯三十六年知州王惟寧
重建萬厯間知州魏養蒙張汝雨陳堯言崇禎初知
州徐文煒次第營繕

國朝順治十三年知州鄒蘊賢拓修喬廷桂記康熙三
十九年學正馬元愷復修

崇聖祠在文廟東

名宦祠在戟門外左

鄉賢祠在州治北

尊經閣在先師殿後康熙三十九年郡人馬淑援重

新介孝壻記

射圃在儒學東南

學田叔自栢鄉張氏計地三百畝歲久佃者多乾沒
署學正辛思齊白州守熊萬騰按畝釐定始復之額
外益田一頃五畝零

社學二所

裕齋書院在州西北四十里三張村元隱士岐裕齋
建後廢

見山精舍正德中運判楊士魁建名五經館後廢

解梁書院即廣慈寺明嘉靖初知州林元叙州判呂
枏撤寺改建

安邑縣儒學在縣治東宋蔡攸建有碑記元至正間重
建明洪武間知縣晉之用修天順間知縣楊磐重修

薛瑄記曰乃作周廡乃作大成以及門宇無不崇舉
成化間知縣劉謹正德間知縣魏瓚繼修嘉靖三十
四年地震圯知縣李瑜經始傅希執朱擢繼成之王
得春記萬厯間知縣羊可立路一麟吳愈繼葺

國朝康熙二十六年知縣柯世榮訓導李王棟復修

崇聖祠在明倫堂東北

名宦祠在櫺星門內東

鄉賢祠在櫺星門內西

射圃在西廡後

學田二頃三畝零
崇禎十二年知縣王嘉謀置

社學在東察院南

夏縣儒學在縣治東南元至元十四年知縣申達建劉
默記大德十一年知縣張式至順二年達嚕噶齊田
葉至正八年知縣何義繼修明洪武初知縣閻育重
修成化十四年知縣楊通十九年知縣陳閏弘治四
年知縣姜洪增修嘉靖三十二年巡鹽御史尚維持

拓而新之王崇慶記萬厯元年知縣陳世寶增建制
度始備張四維記

國朝順治十四年知縣鄭四端重修康熙二十二年知
縣宋國賢復修

崇聖祠在文廟東

文昌祠即尊經閣

魁星樓在儒學東南隅

名宦祠在崇聖祠左

鄉賢祠在崇聖祠右

射圃

廢

學田六十三畝一分零

社學

廢

義學在縣署內康熙間知縣史晟建

溫公書院舊在縣治東北元至正間改建於儒學東
明成化九年副使胡謐復徙東四十步弘治三年知
縣姜洪復徙學左即今址嘉靖間地震圯萬厯九年

知縣楊溢重修

涑水書院元至治癸亥邑令特穆爾布哈建在縣治西偏堂七楹中設司馬文正公像顏曰粹德堂左延賓右延師闢齋五聚邑士之俊造與幼學者分教焉游息之所講肄之室庖廩井廐靡不具備復置田畝若干歲入以贍且以供祀事王緯記

平陸縣儒學在縣治東南宋祥符二年知縣麻吉肇建元至元十三年知縣葛榮重修歲久圯明洪武十六

年知縣孔守道訓導王翰復建成化間主簿趙清弘
治間知縣侯尚文增修嘉靖四年御史祁果檄知縣
王紳重新呂柟記三十三年知縣田充國闢學路四
十年知縣吳守禮繕兩齋四十二年知縣王發蒙建
魁光樓萬厯間知縣李澤馬民牧強自修劉盈科繼
修明季燬

國朝順治十三年知縣崔偉重修功未竣康熙七年知
縣陳國泰落成周訓成記十七年知縣柴應辰十八

年教諭鄧鼎甲訓導孫永大繼修

崇聖祠在文廟東

名宦祠在戟門左

鄉賢祠在戟門右

射圃在大成殿西

學田一百二十畝生員趙永祐永吉永祺置

芮城縣儒學在縣治東北舊在治東南金天會六年兵燬八年知縣朱洗馬徙建今所後知縣完顏德玉修

元知縣苗踞重修明洪武間縣丞楊得永樂間知縣
俞士真先後增建成化萬厯間知縣孟濟李英任亨
主簿李濟知縣趙庭琰繼修

國朝順治初知縣王自修增修陰潤記康熙三十四年
知縣高壽名四十七年知縣邵璿繼修

崇聖祠在明倫堂東北

名宦祠在戟門外左

鄉賢祠在戟門外右

射圃

廢

義學在縣東

文學書院在縣東北五里萬厯四十年知縣趙庭琰
建中祀子夏左右以田子方段干木配享

國朝康熙十一年知縣畢盛讚重修

運司儒學在運治東南元大德三年運使鄂通茂建學
士虞摯記明洪武初運籍生員附解安二學而運學
廢正統己未醮司韓偉請復舊制堂廟祠廡師生員

額埒郡庠壬戌重修廟學孫昌記天順間運使史潛
弘治間御史張應奎繼修正德初御史周廷徵置樂
舞禮器萬厯間運使林國相運判王建中崇禎間御
史楊繩武增修

國朝順治十三年運使陳喆重修康熙六年御史施維
翰二十七年運使蘓昌臣五十六年御史張國棟繼
修今改

中學

崇聖祠

名宦祠

鄉賢祠

河東尊經閣光祿卿馬理記侍御邱某建樓南面條
山樓崇二仞貯書其上

射圃在正殿東

學田明萬厯間運使林國相置署司運判王建中續
置夏縣地六十餘畝又清釐解州臨晉安邑禁垣灘

地五百一十畝歲久湮廢今存禁地二百七十九畝零
社學五所

河東書院在城北五里正德九年巡鹽御史張士隆
建呂柟記內有書樓馬理記萬厯八年張居正奏毀
天下書院御史李廷觀改祀堯舜禹爲三聖廟迄今
勝概猶存

養蒙精舍在運學東中有游息亭亭後有堂六楹曰
養正擇師居之左右四齋各六楹馬理記

弘運書院在運學東天啟三年御史李日宣建延邑人曹子汴主講席買夏縣地以給之御史姜思睿楚朗揚復置地安邑共九百四畝三分零歲久湮沒

國朝康熙二十八年御史郝惟謙檄兩縣清釐運使蘓昌臣核實租額該縣每年彙收解交三十六年運使顏光猷重修

正學書院在東門內明嘉靖中御史余光建今改爲東察院

絳州儒學在城東北隅宋咸平二年州牧夏侯濤修李
垂記元至元十三年知州郭天祐修王憚記至正二
年知州李祖榮重修賈魯記明洪武十年知州顧登
復修正統十年知州王汝續除舊易新殿廡堂齋以
次修舉薛瑄記成化間知州許珙繼葺沈鍾記正德
十六年知州李文潔嘉靖間知州劉朝麒萬厯間知
州張繼東方立誠繼修

國朝順治間知州薛世望重修康熙六年知州劉顯第

十九年知州劉涵繼修

崇聖祠在明倫堂東

名宦祠在櫺星門內東

鄉賢祠在櫺星門內西

尊經閣明知州程騰漢建呂枏記

學田在北山寺峪萬歷二十六年知州王大棟置後

地主償價貯養廉櫃又城濠下色地四十五畝零

社學凡七所

義學二十五所

崇理書院在州東弘治間勅建後廢

啟光書院在塔東舊名啟光樓嘉靖九年建

國朝聞喜翟鳳翥購之改啟光書院令絳士肄業其中
聞喜縣儒學在城東北隅宋咸平四年知縣慈釋回新
廟貌植古栢縣尉李垂記曰桐鄉我夫子之廟環垣
步二百四十有五中樹大栢二十有一至和二年知
縣馬中庸修司馬光記曰其前爲祠殿其後爲講堂

左爲齋宿之室右爲俎豆之府其兩傍皆爲學舍金
大定二十六年署縣事王宗儒重修自爲記泰和四
年署縣事王靚重修張邦彥記元至元十一年知縣
張仲祥重修王憚記大德五年知縣劉文俊重修曹
舜龍記七年地震殿廡圯達魯噶齊哈喇完繕延祐
七年知縣王傑補葺呂希才記明洪武十二年知縣
張同文重建規制胥備正統十一年知縣侯琳弘治
十五年知縣吳璇正德十三年知縣王琳增修嘉靖

三十四年地震頽壞知縣杜華重新萬厯間知縣王象乾徐明李養正李就果繼修

國朝康熙元年知縣李如蘭重修翟鳳翥記二十年知縣許自俊復修

崇聖祠在正殿後

名宦祠在戟門前東

鄉賢祠在戟門前西

射圃廢

學田一頃五十九畝七分

義學在儒學西

董澤書院在縣東四十里宋相趙鼎世居其地六世孫竇仕元爲國子監博士謁告歸建虞集記明萬厯間改爲祠堂

涑水書院邑人翟鳳翥建於紅鶴樓側

河津縣儒學在縣治東元皇慶初建明洪武六年知縣張天麟修天順二年知縣趙愷增修薛瑄記正德五

年知縣王謬拓舊制增新嘉靖三十二年知縣高文學買地鑿泮池樹坊表宏敞有加明末兵燹毀

國朝康熙九年知縣崔鳴鷺重修

崇聖祠在文廟西南隅

文昌閣在學宮東

名宦祠在櫺星門內左

鄉賢祠在櫺星門內右

學田

廢

社學 太和坊一 永綏坊一 午芹村三胥因寺
觀爲之里人張錦鳳復設水田四十七畝爲講學費
立碑記

文清書院在縣治西明弘治戊申叅政王盛乃文清
弟子也行部至縣捐金修之題其門曰文清書院隆
慶間知縣張汝乾拓基重建

龍門書院在城小東門北堂齋廊廡計十有八楹康
熙二十八年知縣楊玉建

稷山縣儒學在縣治東南唐貞元中建金貞祐間兵燬
元初重建元貞間知縣鄭扆重修段思義記至元間
知縣郭思孝重修韓祚記明洪武間知縣茹伯賢李
均保宣德間知縣楊春正德間知縣張延康增修嘉
靖間地震圯隆慶二年知縣孫倌重新梁綱記萬曆
四十年知縣張思恭崇禎十五年知縣白足長重修
國朝康熙十九年知縣朱天爵三十八年知縣傅宗繼
修

崇聖祠在正殿東北

名宦祠在大成門外西

鄉賢祠在大成門外東

學田

廢

至聖廟在城東二十里小杜村唐杜子美讀書處後
建廟元大定間改爲寺

國朝雍正六年里人閆鵬起閆茵重改爲廟

絳縣儒學在縣治東南隅後唐長興三年知縣靳平建

金大德間修明正德十一年知縣包得仁撤學後佛寺拓而新之嘉靖十四年知縣李光遠增新李浩記萬厯間知縣傅應元黃維翰繼修

國朝順治六年燬八年署縣事徐祚煥增建十年知縣楊鴻謨十六年知縣趙士弘康熙四十年知縣盧絳繼修

崇聖祠在明倫堂東北

文昌閣在敬一亭後萬厯間知縣黃維翰建李尚思

記

名宦祠在櫺星門內東

鄉賢祠在櫺星門內西

射圃在敬一亭西北

社學廢

義學在南門內蓮花池

涑陽書院在縣西二十里南橫水村元大定間邑人

呂士俊置藏書以聚學者後廢

垣曲縣儒學在縣治北舊在城外東北燬於兵元至元十六年知縣岳弘移建今所宋景祥記大德七年知縣左閤閣出修明洪武十五年知縣戴聚重修景泰成化嘉靖間知縣朱凱鄭恕房桂縣丞張廷相先後增葺萬厯三十三年知縣趙乾清四十年知縣呂恒繼修

國朝順治元年燬十三年教諭孫世蓋縣令呂崇簡倡修克復舊制

崇聖祠在明倫堂後

文昌祠在學宮西

名宦祠在泮池東

鄉賢祠在泮池西

學田

廢

社學

廢

吉州儒學在州東門外元延祐初建明洪武五年知州

諸

州志
作許

志昇正統間州同羅拱宿增修成化二年知

州謝鎮重建天啟間知州沈瑜重修明末廢

國朝順治間知州紀振邊于三躍繼修王廷傑記康熙
元年知州葛全忠更新之

崇聖祠在正殿後

名宦祠在戟門內東

鄉賢祠在戟門內西

義學在崇安門外

文城書院在錦屏山半正德二年知州史紀建

鄉寧縣儒學在縣治西宋皇祐三年知縣劉舒建自爲
記明洪武十一年知縣荆守正重葺嘉靖三十四年
地震圯知縣張雲從復建萬厯間知縣李枝崔允恭
李時茂繼修

崇聖祠

名宦祠
鄉賢祠

學田四頃四十一畝零萬厯間知縣劉鯤池置

隰州儒學在州治西南元至正間建明洪武間知州陳

顯劉元良景泰間州判周全先後修葺成化元年知州墨春重修王節儉記嘉靖十四年知州鄭濂以地勢窪下改安國寺爲學三十六年知州宗傑復徙舊址萬厯四十年知州王茂錫重修四十五年知州儲自俊繕學宮鑿泮池初建文昌尊經閣

國朝順治十三年學正何宗重修知州白崇周繼之李呈祥記康熙六年知州胡文煥二十六年知州張綏遠繼修四十一年知州鄭恂復修自爲記四十五年

知州錢以壇增新自爲記

崇聖祠在正殿東北隅

文昌祠在尊經閣

名宦祠在戟門東

鄉賢祠在戟門西

射圃在明倫堂西

學田荒地七頃零七十畝內熟地二頃零一十畝

社學

廢

紫川書院在安國寺東知州錢以塏建置田二十四畝

蒲縣儒學舊在縣治西元大德元年建明洪武二十一年知縣潘從善天順間叅政楊璿萬厯六年知縣毛一鳳增修天啟四年知縣羅永新改建于城中察院址景昉記

國朝康熙十一年知縣胡必蕃五十五年知縣梁元捷繼修

崇聖祠在明倫堂東

文昌祠在學西南隅

魁星閣在學東南隅

名宦祠在泮池東

鄉賢祠在泮池西

天寧縣儒學在縣治西金正隆六年縣尹高永孚建廟
學於縣署西北崗下元大德二年修武校尉行縣尹
侯俱建於城東北隅續執中記曰南北四十舉武東

西二十五舉武外垣中基立正殿五間繚楹層簷前
爲應門縮直相望後徙今址明洪武八年知縣郁傑
更建天順四年知縣王溥撤而新之叅政楊璿又補
修薛瑄記曰大叅成其後縣尹成其前成化元年知
縣劉紹宗繼葺廟學胥備隆慶元年知縣邵惠崇禎
七年知縣丁嘉謨重修

國朝順治十三年知縣吳興祚葺舊增修築石堤以障
水康熙三十三年知縣劉芳永加修

崇聖祠

名宦祠

鄉賢祠

射圃在縣西

學田五十四畝

義學在縣東關外

永和縣儒學在縣治東南舊在城東門外唐貞觀二年
建宋大觀初修元至正間改建今所明洪武五年知

縣孫讓重修正統十年知縣胡貞嘉靖元年知縣吉
順東曹文輝訓導袁勲二十四年王府官張栢齡繼
修崇禎五年兵燬

國朝順治三年知縣刁昌世增修十五年知縣武士豪
康熙十一年知縣王爾楫訓導朱永祚三十九年知
縣趙堯章次第修葺四十六年知縣王士儀重新自
爲記

崇聖祠在明倫堂後

文昌閣在文廟西南

名宦祠在戟門外東

鄉賢祠在戟門外西

社學

廢

義學七所

樓山書院在蓮花池

山西通志卷三十六